

عهد میثاق صغیر

بسم الله الرحمن الرحيم *

الحمد لولی الهدی * و الصلوة علی من اتبع الهدی
وبعد * الله ذو الجلال بو کتاب مجمع الخیر جملة مؤمنین و مؤمناتک
حقنده انفع و کاتبین راغبینک وسعت حالی اوله و قارئین
طالینک حقلرنده دخی موجب سعادت دارین ایلایوب
جمله مراد لرینه نائل ایلایه دنیا و اونه هدايت و آخرت
اونده سلامت ایلایوب ایمانی کندونه یار غار ایلایه * و قیامت
کوننده شفاعت و یوم بقاده سبب جنت ایلایه * و کند مزدن
صکره قلان مؤمن فرنداشلریمزه هدی و اباء و اجدادیمزه
مژده و رحمت ایلایه * و کیمسه سی قالیوب فاتحه یه محتاج
اونان مؤمنینک ارواح لرینه بشارت و سبب رحمت ایلایه *

(وجهه مزك)

ووجه من ك حتمه وسيله رضاء رحن ايله آمين * واشبو
تأليف وترتيب اولان مسائل عديده كرك عربى وكر ك فارسى
عبارة ايله وچوق دفعه عربى و فارسى و توركى لسانى
ايله قارىشق بومسئله ل تكرار بتكرار خيلى كتابلر دروننده
يازيليلى و ارايسه ده هر كسه عربى او قومامش و فارسى
او كرنامش اولديغندن بويله براچق تور كجه كتاب ياپوب
ناسه مسئله اعتقاديه سين و دينيه سين بيان اوزره مباشرته
جسارت اولندي الله ذوالجلال حضرتلى قصورمنه
باقيوب لطيفي ايله معامله ايله آمين يادعين * و به نستعين *

✽ بحث وجه تسمية الكتاب ✽

✽ بسم الله الرحمن الرحيم ✽

✽ واذا اخذ ربك من بنى آدم من ظم - وورهم ذريتهم ✽
الى آخر الاية بو كتابه عهد ميثاق ديه رك آد ويرد يكمر ك سبى
عهد ميثاق ديمك الست بزمند، بى اقرار در كويابز اول زمان
سن بزم ربمزين ديدك واوراده الله ذوالجلال حضرتلى بنى
رادك بوكا عهد ميثاق والست خطا بى ديرلر زيرايروكوك
يوغ ايكن الله ذوالجلال حضرت آدم عليه السلامك
بلندن جهه دنيايه كله جك كيمسه لك روحلرين خلق ايدوب
اول روحلره بنى سرك ربكزد كللى بم ديه رك خطا ب عزت
توجه ايتديكند، اول جهه ارواح يارب بلى سن بزم ربمزين
دبديلر اما بورو حلك ازاد، بو صورت، يراد لمسه، سؤل ايراد

اولنوب جوابلری واریسه ده کویا مثل افلاطونیه و بوکا شبیه
صفات زائده بحثلری و قضاء قدر بحثلری و علم الله بحثلری کبی
جلالده و سائر علم کلامده اوزون اوزون بحثلری واریسه ده
همان شرع شریفک بیانبله عمل و اعتقاد در الله ذوالجلال
جمله مزنی شریعت احمدیه دن ایرمیه آمین *

* بحث المذاهب *

* بسم الله الرحمن الرحیم *

* وایکل وجهه هوموایها فاستبقوا الخیرات *
رسول اکرم افندیمرک مبارک لسان سعادت لرندن صدور
یوریلان حدیث همایون لرنده کندی امتک یتمش اوچ بلوک
اولسنی اشعار و بیان یورمشلردر و بو بلوک لریک ایری ایری
باشلری و اماملری اولوب هر بررلی ایری ایری برر یول
طوطمش اولورلر و هر بررلی بزم کندیگمیز یول ایودردرلر
و بزم مذهب حقدر و طوطغریدر درلر و بزم مذهبیمز دن ماعدا
مذهب لر باطلدر درلر اما حق اولان مذهب اهل سنت
والجماعت مذهبیدر اهل سنت شول کیسه اولورلر که صاحب
شریعت افندیمر و صحابه کزین افندیلریمزک اعتقادی و عملی اوزره
اولانلردر (ایمدی) اهل سنت مذهبنده ایکی امام واردر
برسی شیخ ابومنصور ماتریددر بو مذهب ماتییدییه مذهبی
درلر بزم مذهب پاکزدر و او ایکی مذهب دن بریسنه شیخ
ابوموسی الاشعری دیرلر و بوکا اشاعر، مذهبی دیرلر اکثری

شافعیلر بو مذهبده دیرلر بو ایکی مذهبک ایکی سیده حقدر
 ماعداری باطلدر (امامعلده) مذهب التیدرالتیدن بریسی
 حنفی مذهبیدر و بزم مذهب پاکردر امام اعظم دیمک ایله
 معارفدر و کندوسنک اسمی نعماندر و باباسنک اسمی ثابتدر
 و بو صاحب مذهب امام الهمام افندیمن محمد مصطفی صلی الله
 تعالی علیه وسلم افندیمن دن سکسان سنه صکره کلمشدر
 و کندوسی تابعیندر تابعین دیمک کویا صحابه دن بعضی سنه
 یتیشوپ و صحابه دن بعضی کیمسه لر بولندیغی و قنده بولسان
 کیمسه به تابعین درلر امام اعظم افندیمن ده صحابه دن انس
 بن مالک و عبدالله بن ابی اوفی به و عامر بن واثله به و سهیل بن
 سعیده یتشدیکندن کندوسی تابعیندن عدوالمشدر و یتمش
 یاشنده دار بقایه انتقال ایدوب قبرمنورلری بغداددر
 الله ذوالجلال جمله مزیم شفاعتنه نائل ایله آمین والی
 مذهبیدن بریسی (شافعی) مذهبیدر و بریسی دخی (مالکی)
 مذهبیدر و بریسی دخی (حنبل) مذهبیدر و بریسی
 (سفیان) ثوری مذهبیدر و بریسی (داوود) طائی
 مذهبیدر بو ایکی مذهبلیک جماعتی قالدیغندن اکثری کتابلرد
 یاز بلیسی یوقدر و دخی اهل سنت و الجماعت عملین و اعتقادین
 بیلوب انسان کندوسنی و اهلینی و اولادنی جهنم عذابندن
 قورتارمق فرض عیندر اکر بر کیمسه نك اعتقادی داوغری
 اولماز ایسه عملینک فائد سین کوره من نیجه کم بر کافر بر بول

خیرات یابدیروب آخرتده فائده سین کوره مدبکی کبی البنده
هر مؤمنک اوزرینه فرض عیندر اعتقاد اهل سنتی بیلک
اهل سنت والجماعتک اعتقادنی بنایان و او کرنیمان کیمسه نک
اعتقادی یوقدر اولسه بله طوغری دکادر *

✽ بحث اسماء الحسنی ✽

✽ بسم الله الرحمن الرحیم ✽

✽ والله الاسماء الحسنی فادعوه بها ✽ ودخی * الله
ذوالجلال حضرتلرینک اسم شریفعلری واردر والله
لفظ شریفنک معناسی یرلری ویدی قات کوکاری برده
وکو کده اولان مخلوقاتی ودخی آی وکونش ویلسدزلی
یرادن اولسدر بزه رحمت کوندیر وروزکار اسدیر وهر
یمشلی بتوروب یرادن اولدر وودنیساده اولان مخلوقاتک
همپسنک بیو کودر و تکر بیدر وهر برشیئه اول امر ایدر
برشیء دیلر ایسه یرادر دیله من ایسه او شیء الله دهن بشقه کیمسه
پیه من انبجق الله تعالی حضرتلرینک امری ایله یاپیلور او بله
واجب الوجود که بودنیسا و بودنیساده اولانلر یوق ایکن
ویرادلدن الله ذوالجلال واریدی اما بزم کبی الله ذوالجلال
حضرتلرینک کندی ذاتندن بشقه بر ذات آخر دخی اولسونده
اوده اللهی خلق اینسون حاشا! بویله دکادر الله بردر اوکا
بکرر اشپادن برانسنه دخی یوقدر او بله بزم کبی مکانه محتاج
دکدر بذاته قائمدر اولی اولمادیخی کبی آخری دخی یوقدر

الله ذوالجلال حضرت تری حاشا اولمز و یورلر و الله ذوالجلال
 برشیدن عاجز اولماز و حق جل و علا حضرت تری نك باباسی
 و اناسی و اوغلو و قیزی یو قدر و الله ذوالجلال حضرت تری نك
 اشتناسی و کورمسی و بلمسی و سوبلمسی و برادرمسی و قلمسی
 وارد راما بزم کبی آلت ایله دکدر مثلاً بزو سوبلدیکمز وقت
 آغزمز و آغزمز ایچنده دل ایله سوبلر زوق و لاق ایله اشیدیرز
 و کوز ایله کور و رز الله ذوالجلال حضرت تری حاشا بزم کبی
 آغزدن و کوزدن و قولاقدن مزهدر و هر بر شیئی بیلور
 و اولمشیده بیلور و اوله جغیده بیلور یوصف لر ایله موصوف
 اولان ذات واجب الوجوده الله درلر الله ذوالجلالی بو اوصاف
 ایله بو قدر اولسون بیلوب و او کر نك هر کسه فرض عیندر
 (و دخی) الله ذوالجلال حضرت تری نه قرآن عظیم الشانده
 ذکر شریفی سبقت ایتمک اسم ایله الله ندا اولمز زیرا الله
 ذوالجلال حضرت تری نه عالم دینلوب عارف دینلر علم کلیانده
 استعمال اولنوب عرفان جزئیاتده استعمال اولنور او ایله
 اولجه اسماء حسنی بی بیلوب اندن ماعدا اسم ایله الله ندا
 و اوراد اولمز

✽ بحث پیغمبران ذیشان ✽

✽ بسم الله الرحمن الرحیم ✽

✽ لقد جاءكم رسول من انفسکم عزیز علیه ما عنتم حریص
 علیکم ✽ پیغمبر دینك معناسی کو یا اوده بزم کبی انساندن در

لیکن اللہ ذوالجلال انتری بڑہ الہک امرنی ونہینی بلدرمک
 ایچون و بزی غفلادن و کنساعدن قورناروب جنت اعلاہ
 کیتمکلمزہ سبب و وسیلہ اولقی ایچون اللہ ذوالجلال حضرتلری
 قوللر ینسہ نہ امر اید، جک ایسہ پیغمبرلرہ جبریل امین
 واسطہ سبلہ وحی ایلہ بلدیروپ اودہ بزلہ بلدیروپ پیغمبران
 ذیشان افندیلریمز یرلرایچرلر وابدست الورلر و غسل ایدرلر
 واولورلر و نماز قلازلر و عبادت ایدرلر و دائماً کورشدیکی
 احبابلری و اصحابلری وارد و خستہ اولورلر و قبہ دفن
 اولور و رسول اکرم افندمزک حرم شریفلرینک اسم
 شریفلری بونلردر (خدیجہ) (عائشہ)
 (حفصہ) (زینب) (دیگر زینب)
 (ام سلمہ) (سودہ) (میونہ) (جویریہ)
 (صفیہ) (ام حبیبہ) رضوان اللہ علیہن
 و جاریہ کنیدہ لرینک اسم شریفلری (ریحان) (وماریہ)
 و مخدوم عالیلرینک اسم شریفلری (قاسم) (عبداللہ)
 (ابراہیم) و کریمہ محترمہ لرینک اسم شریفلری (فاطمہ)
 (رقیہ) (زینب) (ام کلثوم) رضوان اللہ علیہم و علیہن
 اجمعین رسول اکرم افندمزک اولادلرینک ہیسی رسول اکرم
 افندمز دن اول آخرتہ تشریف ایتشلردر بالکن حضرت
 فاطمہ رضی اللہ عنہا والدہ من رسول اللہ افندمز دن نصکریہ
 قلمشدر اولاد رسول اولنلرک باقیدہ جلہ سنی حضرت فاطمہ دندر

ورسول اکرم افندیمرک پدرینک اسمی (عبد اللهدر)
 وانا سنک اسمی (آمنه در) ورسول اکرم افندیمرک چوق
 اسم شریفلری وارد در شهر واولانلر بونلردر (محمد) (احمد)
 (مصطفی) صلی الله تعالی علیه وسلم ودخی مکة مکرمه ده
 طوغوب و مدینه منوره هجرت ایتشد و قرق یاشنده وحی
 کلوب ناسه یکر می اوچ سنه شریعه احدیه بی امته تبلیغ احکام
 ایتشد و التمش اوچ یاشند، دار بقایه تشریف بیور مشلردر
 و قبر سعادتلری مدینه منوره ده در و خاتم الانبیاء در خاتم الانبیاء
 دیمک پیغمبرک الک صکره کلنی و کند نصکره پیغمبر کامیجک
 دیمکر الله ذوالجلال جله مزه شفاعة عظماسین میسر ایلده
 آمین ودخی رسول اکرم افندیمرک اصحاب باصفالری واردر
 اسم شریفلری بونلردر (ابوبکر) (عمر) (عثمان) (علی)
 (زبیر) (طلحه) (عبدالرحمن بن عوف) (سعید بن
 ابی وقاص) (ابو عبیده بن الجراح) (سعید بن زید)
 رضوان الله علیهم اجمعین و بونلره عشره مبشره دیرلر
 بونلر اهل جنتدر بونلردن ماعدا ایه ایلده وحید شریف
 ایلده بیان اولنمیان کیمسه لره اهل جنت دینلرنته کم فرعون کبی
 و ابوجهل کبی و ابولهب و قارون کبی کندی حقلرنده ایه
 ایلده ثابت اولمیان کافر لره اهل جهنم دینلدیکی کبی ودخی
 قرآن عظیم الشانده بیان اولنان پیغمبران ذیشان افندیلریمرک

اسم شریف لری بونلردر آدم علیه السلام بو آدم علیه السلام
 همزك باباسی اولوب الله ذوالجلال ابتداء قورومش
 چاهوردن حضرت آدمی یراتدی صکره آدمک صول ایکی
 کیکندن همزك اناسی حضرت حوا والده مزنی یراتدی
 صکره حضرت حوا ایله حضرت آدمدن دنیاده اولان
 سلسله آدمی و انسانلری یراتدی و بری (نوح) علیه السلامدر
 (نوح) علیه السلام قومی فاسق اولدیله الله ذوالجلال
 انلرک کافه سنی دکزده غرق ایدوب یالکز حضرت نوحک
 اوج اولادی باقی قالدیلر بریسی (سامدر) عربلر و فارسدر
 سامک اولاندند و بریسی (حامدر) حبشلر و سندیلر و هندیلر
 بو حامک اولاندند و بریسی دخی (یافثدر) ترکلر و یاجوج
 و مأجوج بو یافثک اولاندند و بریسی دخی (هود)
 (ادریس) (صالح) (ابراهیم) (لوط) (اسمعیل)
 (اسحق) (یعقوب) (یوسف) (موسی) (هرون)
 (شعیب) (زکریا) (عیسی) (داوود) (سلیمان)
 (الیاس) (الیسع) (ذوالکفل) (ایوب) (یونس)
 (اسکندر) (عزیر) (لقمان) (نوح) (حضرت)
 علیهم السلامدر دخی شو اخرنده ذکر اولنسان بش
 کیمسه لک دخی بنی اولدیغنده شک واریسه ده ینه پیغمبر
 اطلاق صحیح اولور *

✽ بحث کتاب الله ✽

✽ بسم الله الرحمن الرحيم ✽

✽ انا انزلنا عليك القرآن ✽ الى اخرا لاية كتاب دينك
 مناسی الله طرفندن کلان کلام الهیه در که ناسی طوغری
 یوله کتوروب انسانک وانسانک غیری اللهک مخلوقاتک
 حق لرنده فائده لی شیلری بیان ایدر الله ذوالجلال حضرت لری
 طرفندن کلان یوز درت کتابدر بو یوز درتدن یوزی
 صحفدر که اونی (آدم) علیه السلامه کلشدر و اونی (ابرهیم)
 علیه السلامه کلشدر و او توزی دخی (ادریس) علیه السلامه
 کلشدر و الیسی دخی (شیت) علیه السلامه کلشدر
 و دردی دخی بیوک کتابدر اول بیوک درت کتابدن بریسی
 زبوردر (داود) علیه السلامه کلشدر و بریسی دخی
 توراتدر (موسی) علیه السلامه کلشدر و بریسی دخی
 انجیل شریفدر (عیسی) علیه السلامه کلشدر و بریسی
 قرآن عظیم الشاندر سن اکا مصحف دیر سین اشته بو مصحف
 شریفی از رازریکرمی اوج سنه ده ملئکه عظامدن
 (جبرائیل) علیه السلام رسول اکرم افندیزه کتوروب
 تکمیل ایتشدر صکره صحابه کزیندن ابوبکر الصدیق
 افندیزه زمانده جمع اولنوب بوانه قدر والی یوم القیمة
 بوزلندن او قونق اوزره در بو کایت کریمه دیر لایت دیمتک
 معناسی الله کلامی دیمکدر برده حدیث شریف واردر

بو حدیث شده ایکی درلودر بریسینک اسمی حدیث نبویدر
 حدیث نبوی دیمک هم لفظ شریفی و همده معناسی رسول
 اکرم افدیمز کدر برده حدیث قدسی واردر که اکا حدیث
 قدسی دیرلر و قدسینک معناسی لفظ شریفی رسول اکرم
 افدیمز کدر و معنای منینی الله کدر اشته بو کتابلر حرامی
 و حلالی و هر بر شیئی بزه بیسان ایدرلر بو کتابلرک منسوخ
 اولیسان آیتلرن احکامی ایله عامل اولیسان کبا هکار اولور
 وانکار ایدن کافر اولور نعوذ بالله تعالی *

✽ بحث ملائکة عظام ✽

✽ بسم الله الرحمن الرحيم ✽

✽ الحمد لله الذی فاطر السموات والارض جاعل الملائكة رسلا
 اولی اجنحة مثنی وثلث و رباع ✽ واجب تعالی حضر تلری
 قدرت الهیه سی ایله جسم لطیف اوله رق اوج درلو مخلوقاتندن
 بریسی ملائکه لر در ایمدی ملائکه دیمکده جمع ملک دیمکدر
 بوملکلر بزم کبی آت ایله کمیک وقاندن مرکب دکلدر انلرک
 اون بیکی مرا الله ایله برقبحانک ایجنه صغارلر وانلریمزلر
 وایچیمزلر و او یومزلر و بزم کیدوب کله مدیمکمزیره انلر براند،
 هم کیدرلر و هم کلورلر انلر الله کما، اشلرلر واجب تعالی
 حضر تلری بوملکلرک هر بریسن بر خدمتده قویمشدر
 و بوملکلر غایتله چوقلقدرد صاغیشنی الله ذوالجلال بلور
 و بوملکلرک کیسنک ایکی قنادی واردر و کیسنک اوج

قنادی وارد و کیسک درت قنادی وارد و کینک دخی
 بوندن زیاده قناد صاحبی ملک کرده وارد و تکیم (جبرائیل)
 علیه السلام کبی بوملک کردن دودی بیوک ملک کرده اول
 بیوک درت ملک دن بریسی (جبرائیل) علیه السلام در
 بوملک خدمتی پیغمبر افندی لریمزه الله ذوالجلال جضرتلری
 طرفندن کتاب کنور و بریسی (میکائیل) علیه السلام در
 بوملک خدمتی انسانک و انسانک غیری مخلوقاتک رزق لری
 تقسیم ایدر و بریسی دخی (عزرائیل) علیه السلام در
 بوملک خدمتی اتلک نقدر مخلوقاتلری و ارایسه انلک
 روح لری الور و بریسی دخی (اسرافیل) علیه السلام در
 بوملک خدمتی صور اوفورمکدر صور دیمک اوکوز
 بوینوزی شکلنده برشیدر اول صوری (اسرافیل)
 علیه السلام او جکره اوفوره جکدر برکره اوفورمه سنده
 نقدر مخلوقات و ارایسه جله سی اولوب یالکز (جبرائیل)
 (میکائیل) (عزرائیل) (اسرافیل) علیه السلام
 قله جقلدر و تکرار ایکنجی اوفوروشنده بوملک کرده
 ارتحال دار بقا ایده جکلدر و او جنجی اوفورمسنده ینه
 هر بر مخلوقاتک جله روح لری و یر بلوب محشره کلور و تفصیلی
 قیامت بحثنده کلور (کریم کاتبین) برده واجب الوجودک
 کریم کاتبین ملک ایدر وارد بونلر ایکی ملکدر بریسی
 انسانک صاغنده در و بریسی انسانک صولنده در انسانک

صاغ جاننده اولان ملڪر انسانك اشد يكي ثوابلری
 زارل وصول طرفندہ می ملڪر انسانك اشد يكي كاهی
 زارل فقط انسان غافل بولمنايوب قضارا بر كناه اشلہ
 در عتب توبہ اولنسه دفترى اعمالہ يازماس (منكرين)
 سن بونلره منكر نكبر دير سين و بومالكلر ايكي ملڪلر در كه
 بونلرك خدمتى انسان اولوب قبره قونديغى وقتہ انسانہ
 كويا اللہدن و پيغمبرلردن و كتاب اللہدن و سائر شرع
 شريفندہ صورارلرا كر اولكهمسه ايوكهمسه ايسه كوزل
 كوزل صور دقلرينه جواب و يروب انلہك امرى ايله
 قبرينه جنت اعلادن بر پنجره اچلور يوق اكر صورديغنه
 جواب ويره من ايسه قبرده چوق صقندي چكوب
 جهنمدن بر پنجره اچلور لكن (شہداره) (وعلماره)
 (وصديقينه) (ومجاهدينه) (وسوره ملكه) دوام
 ايدنه سوره ملك ديمك تبارك ديمكدر وجهه كيجه سى
 وفات ايدنه واسهالدين فوت اولانه واستسقا علتندن
 وطاعوندن كيدنلره سؤال يوقدر ودعاء جنازه بودر
 (اللهم اجره واعذه من الشيطان الرجيم) لكن پيغمبر
 ذیشان افنديمن حضرتلرينك نبوتى ايشتامش اولنلره
 ومجنونلره واحتملره وملئكيه وجنيلره سؤال وارميسدر
 بوقيدر الله معلومدر ❁

✽ بحث الآخرة ✽

✽ بسم الله الرحمن الرحيم ✽

✽ كل نفس ذائقة الموت ✽ آخرت ديمتك معناسی
 بوکوژدوگا دنیا و دنیا ده اولانلره بیله همیسی
 یوق اولوپ نیجه زماندنصره ینه الله ذوالجلال
 حضرتلری بزلری قهرمزدن دیرلدوب محشره کتور
 اشته بوکا آخرت و یوم قیامت وحشر درلر لکن
 بو حشردن اول سلامت کبری وارد دخی صراط
 و میزان وارد و حساب وارد و کتاب وارد مؤمنه
 شفاعت اوله جتدر و جهنم وارد و حوض نبی وارد
 و جنت اعلا وارد و رؤیة الله اوله جقدر ان شاء الله الرحمن
 بن سکا برر برر بیان ایدرم بعون الله تعالی ✽ تنبيه ✽
 سکا معلوم اولسونکه خارق عاده بی بیله سین خارق عاده
 دیمک عادتک خلاقی دیمکدر مثلاً صودن بکیلور ایکن
 قایق ایله بکیلور قایقسز بر آدم صودن بکمک عادتک
 خلافیدر اشته بونه خارق عاده دیرلر بو خارق عاده
 پیغمبردن وحی و نبوت کلزندن اول ظهور ایدر ایسه
 اکا ارهاصات دیرلر و اگر وحی و نبوت کلدکدن صکره
 ظهور ایدر ایسه اکا معجزه دیرلر و اگر اهل اللهدن
 ظهور ایدر ایسه اکا کرامت دیرلر و اگر مؤمن صالحدن
 ظهور ایدر ایسه اکا معونه دیرلر و اگر فاسقدن و کافردن

مرادی اوزره ظهور ایدرایسه اکا استدراج دیرلر
واکر مرادینک خلافتیه ظهور ایدرایسه اگاهانت دیرلر
بعض فاسق کسه لردن بویله برشی صادر اولدیغی وقتده
اولکیمسه به اهل الله دیوبده الله یاشمق جا زردکلدر حق ایله
باطلی فرق ایتمه لی وانسان دائمی علماء ایله دوشوب قالمالی
علمادن آدمه ضرر کلز فاسق اولسه بیله (علامت
صغری) رسول اکرم افندیمز حضرتلری بیورمشلردر که
بنم امتک اوزرینه برزمان کاورکه اولوقت بنم امت
نعل ایله میخ اراسنده طیراق کبی اولور کنه سؤال
بیورلمشکه اولوقت انسان ایماتی نصل وقایه ایدر
کویا اوجنک ایچینده آنش ضبط ایدر کبی ضبط ایدر
اشته بوعلامت صغری زمانده بوحدیث شریفک
معناسنی بزمشاهده ایتدک اماعلامت صغرادن بریسی
امانت اهلنده اولماز کویا برآدمی برخدمده قوللانیلور
اول آدم اوایشک اربابی دکلدر ودخی ولدزنار کبی
الجابی آدم لر بیوک منصبلرده قوللانیلور وشرع شریفک
غیری علملره هرکسک هواسکار اولسی وارککلر قدینلرک
امری ایله اوتوروپ قالمه ساسی کبی وچاءلر چوغالوب
جایمکنک ازماسی کبی بونلر علامت قیامت وعلامت
صغری دندر بزمختصر قلدیق بونلردن ماعدا علامتلر واردر
و بریدخی علامت کبرادن عیسی علیه السلامک

کلمه کبدر ودخی عیسی علیه السلام کاسوب شریعت
 محمدیه ایله عامل اولوب و کافرله چوق قول ثقیل ایدوب
 واصحاب کشف دخی مهدی برر وایتده بونلر یاردجی
 اوله جقلردر و بریسی دخی (دجالدر) بودجال تیلور کسه لر
 زیاده سیله چوق اولوب مغربی و مشرقی طوته جقلردر
 و خراسان طرفندن ظهور ایده جکدر و بریسی دخی
 (بأجوج و مأجوجدر) بونلر هر جابدن ظهور ایده جکلردر
 ولکن چوق وقت بکمیوب عیسی علیه السلام بر کاتبه
 بونلر تلف اوله جقلردر و بریسی دخی (دابة الارض در)
 بودابة الارض بریوک حیوان اولوب بو حیوان حرم
 شریفدن جبقسه کر کدر و بو حیوانک باشی اوکوز
 باشی کی اولوب و کوزلی جانوار کوزی کی اولوب
 و قولقاری فیل قولاغی کی و کوکسی ارسلان کوکسی کی
 و قوتلو بر حیوان اولوب و یاننده موسی علیه السلام
 عصای و سلیمان علیه السلام مهری اولوب عصا ایله
 مؤمنک الله طوقونور هذا مؤمن دبه رک یازیلوب اول
 کسه نک صحیحاً مسلم اولدیغی بیلنور ودخی یاننده
 بولان سلیمان علیه السلام مهرنی کافرک یوزینه بصار
 بصدقد نصکره بو کافردر دیوب اولکسه نک اهل ایمان
 اولدیغی بیلنور و بریدخی دخاندر (دخان) دیمک دمان
 معناسه دراشته بودمان کونک اندیکی یردن پیدا اولوب

وكونك طوغديغى يره قدر يابلور و طول اولوقت اهل ايمان
 اوليان باشى بىنى بولانوب سرخوش كې باش اغريليله
 درلودرده دوشرل اما اهل اسلام اولان باشنه نزله اصابت
 ايدن ادم كې اولسور يعنى زكام كې اولسور و بريدخى
 (خسدر) خسفك معناسى يره باتمقدراشته بو يرك بتمهسى
 اوج طرفدن اولور اوج طرفدن بريسى كونك طوغديغى
 يردر و بريسى دىخى كونك اندىكى يردر و بريسى دىخى عرب
 ديارنده اولور و بريدخى (ناردر) نارك معناسى آتش دىمكدر
 اشته بو آتش عربستان طرفندن جيقوب جله ناسى محشره
 طوادرر اشته بونلر علامت كبرادر كه بونلر قيامتك اول
 و دنيانك آخر وقتيدر بو علامتلردن صكره قيامت اولماسى
 محققدر و دىخى قيامت قومىسى يوقاروده بيان اولنديغنه
 كوره كافه ناس اولوب بودنسا قرق يىل خالى قالوب
 قرق يىلدن صكره حق جل و علا حضرتلرى كوكدن يره
 ار ككلرك منيسى كې يرله رحمت ياغديرر اول رحمت سىنى
 ابله يردن انسانلر اوت بىتر كې يتوب اولحق جل و علا
 حضرتلرى دىت بيوك ملشكه لى خلق ايدر جبرائيل
 ميكائيل اسرافيل عزرائيل عليهم السلام كې صكره رسول
 اكرم افنديمىزى قبر منوره لىدن ابعث ايدوب صكره
 صحابه كرىن افنديلر بىمىزى دىخى دىرى قلوب صكره كافه
 ناسى دىرلدوب محشر يرينه جمع اولورلر (صراط) صراط

دینک یول دیمکدر اشته بوصراط نار جهنمک اوزرینه
 قوریلوب بر بیوک کوپری کی اولوب بیک یل یوقوشی
 و بیک یل انیشی و بیک یل دوزی اولوب اشته بوصراطدن
 جله ناس بجه چکدر بوصراطدن کیمی یل کی بجه چکدر
 و کیمی یوکلوحال کی بکوب و کیمی بجرکن جهنمه
 دوشه کرکدر نعوذ بالله تعالی (میزان) میزان دینک
 ترازو دیمکدر بوترازونک ایکی کوزی اولوب برکوزینه
 ثوابلری قوبلوب و برکوزینه کاهلری قوبلوب کاهی
 اغر کلان کمسه اگر شفاعت اولماز ایسه جهنمه کاهی
 مقداری یانوب ینه جنت اعلایه داخل اولور اگر مؤمن
 ایسه اما اگر کافرایسه جهنمه ابدی قالور نعوذ بالله تعالی
 (کتاب) دنیاده انسانک ایتدوی عملاری کراما کاتین
 ملکلری یازوب دفتر ایتشلر ابدی اولکونده ابو اولان
 کمسه رک صاغ الینه و یریلوب اولکمسه ممنوناً و مسرورا
 الینه کانی الوب اهل محشره کلین بنم شو کابمی اوقویک
 دیر اگر اولکمسه فاسق ایسه و کافرایسه صول طرفندن
 و یریلوب یاخود ارقه طرفندن و یریلور نعوذ بالله تعالی
 (شفاعت) یوم قیامتده رسول اکرم افندیمز مؤمنین
 موحدبندن کنه کار اولانلر امر باری ایله شفاعت ایدوب
 کناهلرین باغشلده جقدر اما قول حقنده و ادم اولدرمه
 و غیبت ایتده و کفرده و شرکده شفاعت یوقدر دینلدی

(جهنم) براوك اسميـدر اول اوده غابت صيـجاق
 صو واردر كينه، حق جل وعلا حضرتلری بو صيـجاق
 صوايله عذاب ايدر واواوده آتش واردر كينه بو آتش
 ايله عذاب اولنور ودخی آغوسی كسكين سمرلی قاطرل کی
 عقرب ویلان وچیانلره معذب اولورل ودخی غایتله
 صغوق محله واردر كينه بویله صغوق محل ايله عذاب
 اولنور ودخی بونلره شبیه نیجه نیجه عذابلر واردر
 هر كسك كناهنه كوره یرلری واردر تا نهایت درجه ده
 وجهنمك الت قائنده بینماز و منافقلر یریدر واوست قانی
 آناهی از اولان مؤمنلره محلدرد (حوض) تور كیده خودان
 دیمكدر هر انبیالرك بر حوضی واردر بزم پیغمبریمرك دخی
 واردر جنت اعلایه كیرر كن مؤمنلره حق جل وعلا
 حضرتلری اول حوضده اولان طئلو صودن ایچیریر و جنت
 اعلایه ادخال ایدر الله ذوالجلال جله مزه ایچیمكلك نصیب
 و میسر ایله آمین (جنت) بودنیادن جوق بیونك بر اودر
 او اوده، نور فنده ممدلی و كوزل یوزلی قیرلر اولوب
 و خدمتیجی، كوزل ارلك جو چغلر واردر و قاردن
 صغوق و بالدن طئلی و سوددن بیاض ایچیله جك صولر
 اولوب و دنیاده اولان فشنه و الما وارمود و قارون
 قارپوز و هر بر در او میوه لردن ماعدا بزم یسه دیکمز
 و كورم دیکمز میوه لردنده واردر (رؤیة الله تعالی) دخی